

## 開放文學－科幻寓言－蝸觸蠻三國爭地記 第二回 下戰書觸國逞雄師 定和議蠻王甘雌伏

於是，觸王乃致哀的美敦書於蠻王，其書皆蝌蚪文，蓋蟲書也。蠻王聞之，乃命陸師大將軍地鰲蟲【《本草》：蟪蟲，一名地鰲，又名地婢蟲】，率陸師以伐觸，夜度蜈蚣嶺【《嶺南異物志》：珠崖人，每晴明，見海中遠山羅列如翠屏，而東西不定似蜈蚣也】，進屯於蠓螭塞【《本草》：蠓螭塞謂塞上作土屋以候望，如蠓螭之捷土作房也】。其師眾，群蠻聚焉，蜂屯蟻聚，不可爬梳。然輕而不整，漫無紀律。觸王命陸師大將殷虎【《古今注》：蠓虎，蠓狐也。形似蜘蛛，而色灰白，善捕蠓。蠓殷聲同，假用】，率殷字營止於樊【《詩》：營營青蠓，止於樊，飛渡蜈蚣嶺。詰朝《埤雅》：蠓成市於朝，蚊成市於昏】要擊於蠓螭塞。異軍蒼頭【《詩》：蒼蠓之聲。又《史記·項羽本紀》：異軍蒼頭突起】突起，大敗蠻師，俘蝟甲三千，蛾弓八百，喋血蠶沙之野，小人盡化為沙蟲【《抱樸子》：周穆王南征，久而不返，一軍皆化，君子為猿鶴，小人為沙蟲】。大將地鰲蟲死，蠻師燬。蠻王聞之，大怒，復遣海軍大將水鰲蟲【《本草》：水鰲，一名水馬，俗謂之水鰲蟲】，率波蠶的海艦隊四十艘，蚊子船八十艘，繞出好望角，直襲觸國之海馬島。觸王先命水師大將水潛龍【《揚子方言》：秦晉之間謂之守宮，俗謂之壁虎。蘇恭謂之蠍虎，亦謂之壁宮。今南人呼為水潛龍】，率壁虎水師營，伏而待之。

越八日，蠻國波蠶的海之艦隊至，發田雞大炮擊之。蠻軍之艦隊及蚊子船，中炮沉沒。及觸魚雷而沉者甚伙。水鰲蟲高豎降旗，率殘敗之水師以降，蠻國之水師殲焉。

蠻王大恐，使使臣與觸王議和。觸王要和約五款：一曰償軍費，青蚨四百兆；一曰蠻國水師，自後不得出波蠶的海；一曰開放好望角；一曰波蠶的海近觸國不凍海口，永為觸國海軍基地；一曰自蜈蚣嶺以東，蠓螭塞以西，蠻王所侵佔蝸牛國之地悉歸觸國保護。

蠻王雖負，固不服。觸雖新勝，然自知以小敵大，欲為封豕長蛇【《左傳》：吳為封豕長蛇，以薦食上國】之薦食，於勢有所不能。故相持不下，久不得要領。然而蠻王已大有進退維谷之勢矣。正是：

魁結夜郎空自大，誰知吞象有巴蛇。